

س/ طيب استعد ازاي للإحباط ده و اعالجه ازاي؟ و كمان استعد
لطلب المساعدة ازاي؟

ج/ من هنا بقى دور المعلم بببدأ انه يحاوطه فى كل مكان اوصله
مثلا علي الفيس

اعلق علي بوست عنده، افتح الواتس كل شويه لو لقيته اون لايين
اقوله

Missed u long time أخيرا لقيتك انا منتظرك من بدري

واكلمه عن اسم الله الحكيم ، وليه هو كده فقير ، و كمان اسم الله
الغني الوهاب

وعن آية " فقلت استغفروا ربكم "

وأهم خطوة في كل ده إني اعلمه الوضوء و اربطه بمسجد، يعني
اخليه يشتغل عملي

و يحس بالإيمانيات من خلال الصلاة والوضوء، و يحس انه بيعمل
حاجه لأول مره في حياته بي عملها

و بعد كده نسأله ؟

احساسك ايه بعد الوضوء و وقت ما قلت الله اكبر

الايمانيات هنا هتترفع

تسأله الأول

👉 عندك مسجد قريب تقدر تروحله؟

👉 لو بعيد اقوله تقدر تروح الجمعه؟

واقوله هناك بيبقى فيه تجمع روح وقولهم انك جديد وهيساعدوك
وهيحبوك

👉 ربطه بمسجد وصحبه اهم من دورنا احنا شخصيا

(انا مره بعث واحد المسجد ولقي بالصدفه سبحان الله واحد
مصري هناك وقاله هعلمك كل شيء

وانا ما علمت اي شيء وتركته علشان اشوف وقت لواحد آخر)

(يعني اهم دور بالنسبالى اني ابعته مسجد)

👉 نقاط تانيه ننتبه لها.

أولا هو مش سريع التعلم

وكمان لا نبعت لينكات مواقع او فيديوهات

او كتاب او أي شيء مقدما، إلا إذا طلب أو لقيت عنده
استعداد بعد فتره

دي طبيعتهم ياجماعه، هم في أفريقيا كده ، لو من أوروبا او كي
مفيش مشكله ابعتوا اللي انتوا عاوزينه كله، لانه اصلا بيبقى داخل
بإقتناع وطريقة محاوره غير الأفريقي تماما

انا هبعثه الدرس وانا معاه اون لاين، لا تتوقع انه يقرأ

👉 وكمان هم طبيعتهم انهم يطلبوا صورته للشخص دا عادي جدا

دي طريقة التعارف عندهم (الاسم ومنين وصوره)

👉 ملحوظة

في الأول فقط مش هنعلق علي صور لهم، يعني لو بنت مش
هنعلق علي الحجاب في البدايه
هنعلق لو هو حاطط مثلا بوست ليه في كتابهم اسأله واقوله ليه
حاططها؟

👉 نقطة مهمة

هو في الأول ممكن يحط بوستات حب سيدنا عيسي وكده او ابن
الله او الخلاص في اتباعه
دا بيبقي مش فاهم ، لان زي ما قلنا بيبقي الاعتقاد مش كامل او
مسألة صلب المسيح لسه عنده

👉 هنا بقى هابدأ اسأله بتحسب ليه حاطط الصورة قصدك إيه؟

انت عارف انك

دخلت الإسلام

وطبعا احنا بنحب

سيدنا عيسي وابدأ

بقى اتعامل معاه

بمنتهى الهدوء والود

والحب

👉 ونخلى بالناس في نقطة مهمة جدا

لا يكون كلامي معاه اكايمي ولو حديث لا نقول إلا المتن وممكن
معني المتن مش المتن نفسه

ولا اقول عن فلان وعن فلان ، لأنه لا يعرفه وهدخل في
تعريفات الصحابة والتابعين والرواة
وهو لسه مش عارف الرسول نفسه.

👉 انا مره استلمت واحد وأول يوم بعلمه قالي لا انا مش عاوز
ابقي مسلم
قاتله ليه؟

قالي علشان المعلمه او المحاوره بتقول على السيد المسيح عبد
(slave)

فلازم لا نستخدم هذه الكلمه ونقول مثلا

Among the greatest أو من أعظم الرسل Worshipper
five messangers

👉 بالنسبة لأسلوب الكتابة.

لازم الرسالة لا تتعدي عشر أسطر
لازم تنقسم

وبعد كل رساله اسأله فاهم ولا لأ

لازم اكون واضح جدا في كل كلمه يعني ديما اوضحه
بإنى (فتح قوسين واكتب المعني والمقصود)

👉 مثلا لما اجى اعلمه الصلاة .

اقوله ارفع اليدين وقول الله اكبر

Allah Akbar(Allah is the greatest)اكتبها كده

س/ اكتب الدرس ازاي و هدفي ايه وأنا بكتبه؟

ج/ أولا هو أسلم وقال الشهادتين تمام

يبقي لازم ازرع اليقين في قلبه من خلال اي كلام عادي أو اي درس

فأعلم انه لا إله إلا الله، يبقي اي درس لازم افكره بهذا، وأي موقف

والدرس زي ماقلنا مش اكاديمي ولا كثير.

س/ طيب الدرس ازاي وامتي مثلا؟

ج/ استغل اي موقف ويبقي درس من غير ما يعرف

👉 مثلا

قال انا مريض

انا فقير انا بدرس وعاوز أنجح

او بعلمه الصلاة او الوضوء او اي درس

وعاوز أعلمه كل فروع الشريعة وأسماء الله الحسني في درس عشر أسطر.

👉 مثلا قالي انا مريض.

اقوله انت عارف ان لا إله إلا الله يعني لا شاف إلا الله

يبقي علمته اسم من أسماء الله بكل بساطه لأنه في البدايه مش

عاوز فقه عاوز تعريف

وتحصیل معلومات و یقین
و کمان اذکر له حدیث
و دعاء للرسول فی هذا الموقف
وقصه عن الصحابة او الرسول